

# أمسية تربوية (٢) | بناء الأعمال من سورة الحشر | د. أحمد عبد

## المنعم

أحمد عبد المنعم

بسم الله الرحمن الرحيم والصلاة والسلام على رسول الله صلى الله عليه وسلم. آآ يعني ارحب بكم واسأل الله سبحانه وتعالى ان يجعل هذا اللقاء او الامسية التربوية له نافعة لي ولكم وان يتقبل الله سبحانه وتعالى اعمالنا جميعا - [00:00:00](#)

لقاء اليوم عايز اقسمه الى قسمين. القسم الاول اشبه يعني بمقدمة بعض النصائح اه بخصوص الوضع الحالي يعني كثرة النقاشات والاسئلة اللي بتيجي وللأسف قلة يعني الدروس اللي الواحد بيديها فقلت يعني مجموعة من النصائح اقولها في الاول كده. ان شاء الله - [00:00:20](#)

يعني نخلص من النصائح دي لمجلس اليوم ولقاء اليوم اللي هو بيتكلم بعنوان بناء الأعمال من خلال سورة الحشر وهو اصلا النصف الثاني من اللقاء هو آآ يعني احد الحلول للقضايا اللي انا هتكلم عنها - [00:00:40](#)

في النصف الاول يبقى النصف الاول ان شاء الله مش لازم يبقوا نصين يعني قصاد بعض يعني المهم الجزء الاول مقدمة اه فيها بعض النصائح. ثم بعد ذلك ان شاء الله نخلص - [00:00:56](#)

موضوع الحق الاساسي للقاء وهو شعبة بناء الأعمال او مجموعات العمل. زي ما نتناقش مع بعض ان شاء الله باذن الله سبحانه وتعالى طيب آآ بالنسبة لمجموعة النصائح اللي حابب ابدأ بها في الاول قبل اللقاء - [00:01:11](#)

اللي عاش وضع معين من التدين او الالتزام او ايا كان الاثم يعني من فترة طويلة ثم آآ مع انتشار السوشيال ميديا بقى وسائل التواصل حصل نوع من التغيير في تصورات التدين والتصورات الالتزام - [00:01:26](#)

والاعمال وطبعا تغييرات الظروف الكثيرة سواء تغييرات الظروف الاقتصادية والاجتماعية والسياسية. كل التغييرات دي حصل لها انعكاس على آآ طبيعة تدين الناس. وان شاء الله سبحانه وتعالى اسأل الله سبحانه وتعالى السداد والتوفيق. احاول - [00:01:44](#)

يعني لو يعني لو يعني الموضوع اكتمل هحاول ان اللقاء الجاي والامسية التربوية القادمة تكون عن قضية التدين معنى تدين واركاب لتدين يعني بتبقى جولة كده يعني قضية التدين وكنت - [00:02:01](#)

كنت كتبت تغريدة قبل كده ان لو انا عايز اعمل درس عن قضية وبصراحة استقبلت مجموعة من الاجابات كانت جيدة بفضل الله فتحت الافاق عن تصورات الناس عارفة ازاى وده نقطة مهمة بل انا اصلا كان غرضي من الدرس الاول اللي هو سورة المرسلات والدرس الثاني بتاع النهاردة ان شاء الله - [00:02:17](#)

ان هي مقدمات تساعدنا في الكلام عن التدين بحيس وانا بتكلم آآ احويل الى هذه الدروس. او دروس اخرى الوضع الحالي آآ مختلف نوعا ما عن الوضع القديم. الوضع القديم - [00:02:37](#)

كان النشاطات اكثرها نشاطات حركية على الارض يعني كان ما كنتش فيه اصلا انترنت منتشر بهذه الطريقة وكان اغلب النشاطات الدينية بتكون نشاطات يعني انا انا ممكن اسميها نشاطات ارضية على الارض - [00:02:55](#)

مش في الفضاء مش في الفضاء الالكتروني مش في الانترنت اغلبها نشاطات تحفيظ قرآن في مقراءة دروس علم مجالس وعظية آآ يعني كانت اغلب النشاطات حتى الخلافات اللي ما بين التيارات الاسلامية كلها كانت خلافات على الارض - [00:03:10](#)

خناقة على مسجد تلاقي خلاف مش عارف على ايه تلاقي نقاش في مسائل فكان يعني كان الشخص منهمك وجزء كبير من طاقته

بتخرج في الواقع الحقيقي على الارض. ايا كان بقى تقييما ان ده كان ممكن فيه نوع من طبعا كانت فيه اخطاء وكان فيه -

[00:03:28](#)

آآ وده مش نقاش النهاردة يعني استدرارك هذه الاخطاء او تصحيح هذه الاخطاء. لا انا اقصد باوصف الحالة دلوقتي. انا بتكلم بصورة

توصيفية قبل ما انتقل للصورة التقييمية فكان اغلب النقاشات واغلب الخلافات كانت على الواقع الارضي - [00:03:47](#)

بعد كده حصل توقف لاغلب الناشطات الدينية على الارض. وانتقل ده اقله الى الواقع الافتراضي اللي هو وسائل التواصل او

الانترنت عموما والخلافات آآ اكتسبت ايضا واقع كلامي اكثر منها الى واقع الافعال - [00:04:05](#)

مع آآ انفتاح عموم المسلمين وعموم الاخوة والاخوات على مسائل كان آآ يعني كانت منغلقة شوية في الروقة قضايا كلامية الخلافات

الكلامية في المسائل العقائدية خلافات مذهبية كانت بتكون موجودة طبعا ولا زالت يعني هي موجودة في الماضي وفي الحاضر ولا

تزال يعني - [00:04:22](#)

لكن اقصد كانت منحصرة في اروقة معينة. وآآ كان اللي بيطلع عليها واللي بيقتحم في تفاصيلها اللي قطع شوط معين من العلوم

الشرعية بل كان ممكن الاخ يسمع عن مسألة من المسائل اللي فيها خلافات - [00:04:44](#)

وتكون يعني مسائل من اللي مولعة الدنيا يعني التيارات الاسلامية كان لانه مش متفهمة او ما عندوش وسائل الوصول اليها كان لا

يلقي لها بالا هيعمل ايه يعني دلوقتي اي مسألة تتفتح في اي باب من الابواب في اي فرع في فروع العلم العامة - [00:05:01](#)

آآ عموم الناس بيشارك في هذا الامر فده بيضخم القضية بتاخذ حجم كبير وبتبقى عاملة زي النار لكل ما واحد يساهم فيها حتى لو

بلايك بتبقى اشبه بالحطب اللي بتزود القضية دي - [00:05:20](#)

فاصبح للاسف عندنا نوع من الفراغ الديني العملي في الواقع تاني اصبح عندنا نوع من الفراغ الديني العملي. على مستوى الاعمال.

يعني تجد مجموعة من الناس ساكنين في مكان وتجد - [00:05:35](#)

المسجد اللي بيصلوا فيه ما عدش فيه حرص حتى على صلاة الجماعة ما عدش فيه تعليم للناس قراءة الفاتحة حتى ضبط قراءة

كتاب الله سبحانه وتعالى اي نشاط اجتماعي حتى او خيرى - [00:05:48](#)

بقى في تكاسل عنه. اي نشاط تعليمي. اي نشاط حركي على الارض في اسباب كتير جعل في زهد في هذه الامور او اه تكاسل وده

هحاول اتكلم عنه ان شاء الله في خلال سورة الحشر النهاردة في مسألة بناء الاعمال - [00:06:02](#)

الفراغ ده اللي هو التوقف العمل مش بتكلم على نقص معلوماتي. بتكلم على الفراغ العملي في حياتك. يعني لو كل واحد دلوقتي عايز

يبحس عن مستوى الاعمال الواقعية في حياتي على الارض - [00:06:20](#)

مش ان هو وده انا لا اقلل منه ابدأ يعني. مش ان هو مشارك في آآ برنامج تعليمي او في معهد او في مساق او في ايا كان لا انا بتكلم

على مستوى اعمالى على الارض - [00:06:33](#)

غياب الواقع العملي ده طبيعي جدا عند الانسان انه بيصنع حالة من الجوع النفسي للاعمال. النفس لما بتتشغلش باعمال وبرضو تاني

هذا يعني ان الامور اللي على الانترنت ليست اعمال. نعم هي اعمال العلم من الاعمال - [00:06:48](#)

لكن اقصد ان حركة الانسان على الارض بتفرغ جزء كبير من طاقتها حتى القضية الدنيوية يعني انا آآ الشخص اللي بيكون فارغ

دنيويا بيحصل له مشكلة. ليه غياب الواقع الحركي في حياة الانسان الدنيا والدنيوية بيعمل نوع من آآ - [00:07:05](#)

طاقة محبوسة داخل الانسان بتخلي الطاقة دي دماغه هنا بتبدأ تتحرك في في الاماكن عايزة تفرغ الطاقة فممكن تتجه للفرجة على

اليوتيوب على القضايا التافهة الانشغال بخلافات مش هي اولى في حياته. هو بداخله طاقة - [00:07:28](#)

لما الانسان بيفرغ الطاقة دي في مسارها الصحيح سواء الديني او الدنيوي بيحس بنوع من التوازن النفسي على المستوى حتى

العملي بيحصل نوع من التوازن سن بيحقق نوع من ان هو بيحقق ذاته بروح شغله وبيرجع بينزل يعني حركته ديت بتفرغ جزء من

طاقته. بتدي له نوع من التوازن فيه احتياجات - [00:07:45](#)

نفسية اه سدت يعني تم تغذيتها من خلال الحركة لما ده غاب فاصبح في نوع من يعني عايز اقول اصبح كأن النفس بتتأكل قاعدة

بتناكل في يعني تتآكل النفس وبتبحس عن سد الفراغ العملي ده باي انشطة بقى - [00:08:04](#)

بخناقة على الفيسبوك في حفلة بيحفلوا على واحد دي مسألة داخل يناقش فيها وما عندوش فيها اي معلومات بخلافات ايا كان الفراغ ده هو بببحس عن سده ازاي. آآ بيطلع طاقتة دي. آآ طبعا مش كل الناس كده. فيه ناس بفضل الله بتطلع طاقتها في الاتجاه السليم - [00:08:24](#)

زي بالزبط الفراغ اللي عملته كورونا لما جت كورونا كتير ليه ليه ناس كتير دخلت في ازمان نفسية بل احد انواع الاكتئاب وان كان

يعني ده مش توصيف دقيق يعني. اللي هو ببسموه اكتئاب ببيجي في الشتاء - [00:08:42](#)

توقف الحركة في فصل الشتاء في بعض الدول توقف الشلل التام بيعمل نوع من الاكتئاب عند الناس برضو مش لاكتئاب بالمعنى

الحرفي يعني لكن اقصد بمعنى الاحباط وو وده حصل في كورونا ناس كتير في ازمة كورونا - [00:08:56](#)

في بداية الازمة والفزع والهلع اللي كان موجود مع حالة الحجر الصحي اللي كانت موجودة في اغلب الدول ده خلى الناس تدخل في

آآ حالة من التوقف والشلل الحياتي لحياتها الحركية دخلهم برضه في نوع من الاحباط والاكتئاب - [00:09:10](#)

وده واقع دلوقتي في حياتنا الديني لذلک احنا محتاجين نتفهم ده عشان نعرف ازاي نتغلب عليه او على الاقل نتعامل معه ما نخليهوش يسيطر علينا ما نخليش حالة الفراغ العملي اللي في حياتنا دي تدخلنا في اكتئاب وفي احباط وتدخلنا في انصراف بقى

عن الدين او افكار خاطئة ممكن العقل يتجه اليه - [00:09:27](#)

لان حالة التوقف الحركي دي خلالتك بتمارس اغلب دينك من بيتك حتى لو انت بتتصل بمئات والوف من الناس من خلال التواصل

الاجتماعي لكن احيانا ده ببشعرك بنوع من الوحدة. وانك انت بمفردك. لان ما حدش مطلع على واقعك - [00:09:49](#)

ما حدش متصل بك اتصال مباشر والثبات بمفردك صعب. الانسان بيمر بتقلبات الواحد ببجي له اسئلة احيانا الشخص بيكون داخل

يسمع شيه علمي يروح يشوف حاجة اباحية فمسألة الاعتماد الكلي على التواصل الاجتماعي - [00:10:12](#)

ده آآ برضه ثاني باكرر ودي من النقاط اللي هاتكلم عنها في المقدمة مش معنى ان احنا بنذكر سلبيات شيه ان احنا نتوقف منه او

نتركه. انا بكلمكم من خلال وسائل التواصل - [00:10:31](#)

انا بتواصل معكم دلوقتي من خلال قناة تليجرام اللي هي وسائل التواصل اه لكن اقصد استحضارك يعني مسلا لما تسمع كان درس

جميل آآ وان كان طويل شوية عايز تركيز بس رائع للشيخ عبدالله الوهبي وبيتكلم عن اثر آآ - [00:10:43](#)

فاكر اسمه درس القراءة باين في في زمن مواقع التواصل حاجة زي كده آآ والكتب الكثير والدراسات اللي اتعملت في سلبيات مواقع

التواصل هل ده معناه انك تتركها لآ يعني لما - [00:10:59](#)

القرآن ذكر الذم آآ للدنيا هل القرآن لما بيقدم الحل انك تترك الدنيا؟ لآ أنت تكون على حذر وتكون على وعي وانت في هذه الدنيا

كذلک انا لما بكلمكم دلوقتي على شكل الدين اللي اتغير او شكل التدين او شكل الحياة كلها مش بس الدين - [00:11:13](#)

يعني في وظائف ظهرت آآ من بعد كورونا. يعني الازمات اللي بقت اونلاين دي حاجات بقت زيادة جدا وزادت. وده حصل تغييرات

كتير يعني موقع زي زوم الارقام انتقلت فيه تضاعفت آآ يعني عشرات المرات بسبب ازمة كورونا. ففي تغييرات لشكل الحياة بيحصل.

وايضا التغييرات شكل الحياة - [00:11:34](#)

بتسمع بشكل بقى وباخر فيه التدين بتاعنا والشخصيات وركزوا في النقطة دي الشخصيات اللي ما لهاش جهود علمية قوية فردية او

عندها طاقة تعبدية لوحدها. اللي اللي ما عندوش الحاجتين دول - [00:11:56](#)

بيتعب لوحده في زمن بقى الانفصال عن الحركة على الارض وزمن ان هو يكون لوحده اه ببشعرا ه بنوع من الفراغ في حياته الثاني

وحتى مش كلهم يعني. بس الشخصيات العلمية والشخصيات التعبدية ان صحت التسمية - [00:12:14](#)

بيعرف يمارس جزء كبير من دينه بمفرده. نوعا ما لكن غالب الناس ما بينطبقش عليهم الاتنين دول مش يعني مش جزء كبير من

يومه. مش مسلا بيقضي ستاشر ساعة في طلب العلم. ولا بيقضي بقى بيتنفل وبيصلي قيام ليل كتير ونوافل واذكار - [00:12:35](#)

فبالتالي آآ استطاع انه يسد جزء كبير من الجو في اللي بداخله لآ اغلبنا اللي هو انا زيبي وزبي اغلب الناس الواحد ببشوفهم في حياته

ببقابلهم. لأ هو في جزء كبير من حياتي في بياخذ طابع حركي محتاج يحتك مع الناس - [00:12:55](#)

الطاقة ديت اللي للأسف ما وجدتش تفريغ لها بل انا عايز اقول لكم والله يا جماعة يعني وهي دي فكرة ان هي اسمها امسية تربوية

ان هي نوع من الدردشة يعني - [00:13:11](#)

كثير من الشباب كان بيحل بعض ازماته النفسية من خلال انه بينخرط في الواقع انه بينزل يلتحق بجمعية خيرية انه بيلتحق بمسجد

بيمارس فيه نشاطات اللي بيقوم على عمل من اعمال الدين في الارض - [00:13:25](#)

هو كان جزء كبير من الطاقة لان من وسائل آآ معالجة النفس او مش بس معالجة النفس انقاذ النفس قبل ان تسقط فيما اسميه انا

المنطقة المظلمة ودي برضو ان شاء الله هنتكلم عنها في درس لوحدي - [00:13:42](#)

انشغال النفس بالشئ النافع قعود النفس عن الانشغال بيدخل النفس في دايرة ان هو بيلوم نفسه انه فاشل. وبعد كده مش لاقى

حاجة يعملها فيفضل اكثر فمش لاقى نفسه انه فاشل - [00:13:57](#)

هيفرغ طاقته ديت في شئ تافه او شئ حرام. فنفسه ترجع تلومه لوم اكثر. والشيطان بيبقى فاهم الدايرة دي كويس بل بالعكس

احياناً الشيطان بيلوموا بيلوموا على الوقوع في المعاصي. تخيلوا - [00:14:12](#)

حينما يعظ الشيطان الشيطان يعظ ليه؟ لانه عايز يدخله لحالة الاكتئاب. وان انت فاشل هناك امل ويدخل في الدايرة دي. الدايرة دي

كانت بتتكسر بلقاء اخوانك بحضورك للدروس بنشاطاتك الحركية على الارض - [00:14:26](#)

لكن انت احياناً الدايرة ديت لما تيجي تدخل السوشيال ميديا وتلاقي خناقة على مسألة انت اصلاً ما تعرفش عليها حاجة ففتخانق

وتشتتم وتقعده تحفل معهم انت بترجع بعد ده بترجع اكثر جوعاً - [00:14:41](#)

نفسك لم تتلقى الغذاء بالعكس فأصبح ان ده الواحد انا بكلمكم من واقع يعني سواء رسايل جاتلي او يعني بعض الشباب بعث لي آآ

هو بيشعر بده. يعني انا بكلمه ممكن سواء لو حد بيسمعنا في دول تانية - [00:14:54](#)

او ما عندوش الازمات بيبقى كويس بيبقى خير يعني لكن انا بتكلم ان غياب تاني اللي انا بتكلم فيه. غياب الواقع العملي على ارض

الواقع ثم تحول الدين الى الواقع الافتراضي - [00:15:12](#)

وان اغلب الدين بتاعنا ده مجرد نقاشات كلامية لا يترتب عليها الشعور بالمعنى التعبدي حتى للعلم ولا شعور بالمعاني التعددية يعني

جلوسك على مواقع على مواقع التواصل لم يثمر طاقة تعبدية او طاقة ايمانية بداخلي - [00:15:27](#)

بالعكس احياناً بيزود حالة الجوع النفسي اللي اللي جوايا مع ممكن يكون الانسان بيمر بازمات دنيوية او عدم وجود فرصة آآ

وخصوصاً ده بيحصل مع كثير من الاخوات فرصة دنيوية مسلاً تخرج فيها طاقتها - [00:15:47](#)

يكون الامر فيه مباح يعني ده ممكن يدخل الانسان في حالات من الضغط والاحباط وو فالمطالب ان هو يتعامل مع الوضع ده ينتزع

نفسه من هذا الوضع آآ احد وسائل بقى انتزاع النفس من الوضع ده انا فيما اسميه بناء مجموعات العمل - [00:16:05](#)

احد وسائل لانتشال النفس من الوضع ده الحالي ما اسميه بناء مجموعات العمل وده اللي انا كنت عايز اتكلم بقى عنه من خلال سورة

الحشر طيب قبل ما اتكلم على بناء مجموعات العمل اللي هي احد الحلول المطروحة - [00:16:25](#)

للخروج من الوضع ده عشان الانسان ما يجدش نفسه محبط مكتئب بيمر بازمات نفسية وضغط مش يعني مش عارف يخرج طاقته

بصورة جيدة عشان ما يوصلش لما اسميه بمنطقة المزلمة - [00:16:41](#)

اللي ممكن ترتد يعني عليه بصورة عنيفة وللأسف تخليه يفقد توازنه لما الانسان بيفقد توازنه بياخذ قرارات هوجاء يعني يترك بيت

الايمان يسافر لاماكن يهاجر لبيئة آآ ما فيش لها اي علاقة بالدين - [00:16:58](#)

آآ ممكن ينتحر. العياز بالله يعني ممكن ياخذ قرارات عنيفة بصورة يعني مع كمان وضع الحالة الازمات المجتمع بيمر بيها وده برضو

جه عايز درس لوحده انا ما اسمحش لنفسي من بدري زي ما بيقولوا الوقاية خير من العلاج. ما اسمحش لنفسي ان انا اوصل للوضع

ده - [00:17:19](#)

قبل ما ابدأ برضو بالكلام آآ عايز اقول نقطة مهمة كنت مجمع شوية نصايح كده آآ بحيس ببقوا في درس لوحدهم يعني نصايح عامة

وكده بس هاخذ منهم نصيحة اقولها دلوقتي. وارجع اعيدها في درس النصائح ان شاء الله - [00:17:41](#)

ان احنا وده برضو غالب اللي بكمكم فيه يا جماعة ده عبارة عن ردود افعال اللي هي اسئلة جات لي او لنقاشات او تعليقات قالتها من الحاجات الغريبة اللي انا وجدتها - [00:17:57](#)

مش عاوز اسمبها خطورة او اشكالية مسلا التطبيق الحرفي للمواعظ خليني اسميها كده. التطبيق الحرفي للمواعظ ممكن بادية الرأي كده الانسان لما يسمع الكلمة دي شايف ان هي حاجة كويسة. امال انت عايز ايه؟ ما احنا - [00:18:08](#)

هو مش انت بتوعظ عشان نطبق ولكن احيانا الانسان لابد ان يكون عنده فكر لتطبيق اه اه هذه المواعظ التي يستمع اليها الى واقعا لان المتكلم لا يحيط بواقعك ويستحيل. وارجو ان انتم تركيزوا جدا في النقطة ديت. يستحيل - [00:18:27](#)

ان انسان في درس واحد يحيط بكل الامور احترازا ولوازم الكلام وده للاسف خلانا كتير واحنا بنتكلم يعني لو تراقبوا لغة الدعاة في الفترة الاخيرة تلاقىهم بدأوا يكرروا من كلمة ايه - [00:18:46](#)

وده مش معناه واصل انا مش قصدي قاعد بيحترز من كتر ما هو ما عدش عارف يطلق الكلام في حين ان العرب كان طبيعي تطلق الكلام سم الكلام يقيد في موطن اخر - [00:19:04](#)

لما حد كان باعت لي بيقول لي يعني ايه يعني اكثر من حد كمان يعني ان في بعض الدروس كل واحد في درس معين يعني ممكن يكون اذاه. حس بالدرس ده بياذيه نفسيا او الدرس ده - [00:19:16](#)

آآ مش بياذيه نفسيا. الدرس ده عمل له مثلا بلبله في طريقة تفكيره. آآ او واحد يقول لي انا كنت بسمع الشيخ فلان. فقال معلومة المعلومة دي بلبلتي جدا وتلاقي واحد تاني باعت لي يقول لي كنت بسمع فلان او فلان او بسمعك انت قلت كذا عملت لي نوع من البلبله - [00:19:32](#)

هو الصح هو انا المفروض مجموع كلام الشخص يعني انا عشان اقيم او حتى اخذ فكرة لو لو انا يا جماعة عايز عايز اخذ مسلا طريقة القرآن في التعامل مع الدنيا. ما ينفعش ابقى حتى القرآن اهو ده انا - [00:19:49](#)

قلت لكم اشرف الكلام كلام الله. ما ينفعش اخذه بطريقة مجتزة كان دايم الشيخ مصطفى العدوي اول نصيحة كان من النصائح اللي كان بيقولها لي بيقول لي اجمع النصوص في المسألة الواحدة - [00:20:05](#)

حتى له كتاب كده كتيف كان نزل زمان اسمه الفقه في الدين كان عامل بحس في المسألة دي انك انت آآ قبل ما تتكلم في حاجة حاول تجمع النصوص في المسألة الوحيدة ما تجتزش - [00:20:18](#)

الكلام. يعني في فارق بين ان احنا نقول هذا الكلام خطأ وبين الكلام ده ناقص. الكلام ده ينقص ما يكمله فكرة التطبيق الحرفي للمواعظ بتخلي انسان يسمع كلمة انا كنت بقول ان يستحيل الداعية اللي متكلم يحيط - [00:20:30](#)

ويستدرك ويحترز ويبين في درس واحد يعني انا مسلا انفعلت بقضية ما دنيوية اوي. فاتكلمت في درس ايه يعني لما تسمع شيخ بيتكلم عن حقارة الدنيا؟ هل معنى هذا الكلام ان دي دعوة عامة - [00:20:47](#)

لكل طالب ان يتوقف عن المذاكرة. ولكل طبيب ان يتوقف عن العمل. ولكل لا طبعا هو ده مش معناه كده هو مين اللي قال ان ده بيستلزم ده خطورة بقى تطبيق الحرفي لده - [00:21:05](#)

بيعمل نوع يا اما انا باحبط اقول انا فاشل وان هذا الدين لا ينفعني وان الدين ده اكبر مني او اتهم الدين واقول الدين ده لا يناسب الحياة هذا الدين نزل لواقع غير واقع - [00:21:21](#)

الدين ده نزل لواقع الصحابي مثال جميل قوي سمعته من احد مشايخي الدكتور طه نجا ربنا يحفضه كان بيشرح حديس آآ راجل راح اشتكى للنبي صلى الله عليه وسلم بيقول - [00:21:34](#)

ان جاره بيؤزبه. فالنبي صلى الله عليه وسلم قال له آآ الق متاعك في الطريق فالناس لما هتشوف متاعك ملقى في الطريق هتعدى عليك تقول لك انت ليه عامل كده؟ فتقول لهم والله فلان جاري بياذيني - [00:21:52](#)

فلما عمل كده الناس عدت عليه بالفعل قالت له انت ليه سايب متاعك في الطريق في نص الشارع كده؟ قال لهم والله جاري بياذيني

فيلعنون جاره معقول جارك بايديك النبي صلى الله عليه وسلم وصى بالجار وازاي جارك ايدك فيلعنون الجار - [00:22:05](#)

فجاره لما وجد نفسه يلعن من المارة على هذا الرجل خايف على نفسه فراح جري للنبي صلى الله عليه وسلم ايا كانت بقى روايات كثير هنا لعنة الله تسبقهم او قريب المهم الراجل خاف وراح صالح الراجل خلاه يرجع - [00:22:18](#)

حديس مشهور موجود يعني وفي الابد المفرد وغيره فالشاهد الشيخ كان بيلق تعليق بيقول ايه يا ميري ان نفهم فقه تطبيقات مسل هذه الاحاديث بين ان واقعة عامة ده نصيحة عامة للنبي صلى الله عليه وسلم ان - [00:22:35](#)

هل قال النبي صلى الله عليه وسلم كل من اذاه جاره فلينقي متاعه في الطريق لا انا ما قلش كده. دي اللي حصل ده بيسموها واقعة عين يعني ايه واقعة عين؟ يعني دي مناسبة للراجل ده للحالة دي. زي ما في بعض الوصايا كانت بتناسب الشخص ده - [00:22:49](#)

فمن اجتمعت فيه مسل هذه الزروف تنفع معه مسل هذه النصيحة. فالشيخ بيقول لكن انت ممكن الوقتي جارك يا زيك فتطلع متاعب في نص الطريق يتسرق عادي جدا ما تتصورش ان الناس يعني عادي يسرقوه او عادي ان يا سيدي انت ناس هتعدى هتقول لك لا حول ولا قوة الا بالله انت مطلع - [00:23:05](#)

في نص الشارع ليه كده؟ تلوم جارك بايديني يقولوا ايه يلعن الله هذا الرجل الذي اذاك آآ عادي الرجل الثاني اللي بيتلن قاعد عادي جدا ولا في دماغه بيقول لك سمعني احلى لعنة انا مش في دماغي جدا ولا - [00:23:25](#)

فهنا ممكن الشخص يقول ايه ده؟ انا اشك في السنة. السنة لم تأتي بحلول لواقعتنا. يا ابني هو هو يعني ليه الطريقة دي في التفكير؟ هو احنا اللي ما كناش - [00:23:39](#)

مفهمين كيف نتعامل مع برضو لما واحد آآ مسلا اه يسمع عن مدح كتاب سير اعلام النبلاء. وده من اعظم كتب الاسلام حقيقة ويا سلام لو تقرا له مختصر بقى وتهزيب - [00:23:49](#)

له تهزيبين كده تهزيب بتاع الدكتور محمد موسى الشريف وتهزيب تاني سبحان الله نسيت اسمه هافتكره دلوقتي له اكر من تهديد يعني بس دول اكر اتنين انا بحبهم فلما نقول ايه؟ يا جماعة آآ خلوا الكتب اللي زي دي جنبكم كده. آآ تهزيب سواء حلية الاولياء تهزيب آآ ايا كان الكتب اللي فيها اثار عن السلف - [00:24:05](#)

مع فممكن واحد يقرأ ترجمة مسلا ابراهيم النخعي او اي ترجمة من التراجم وابن ادهم اي واحد وكان زاهد وكان عايز يطبق الكلام بصورة حرفية لأ بيقول لك زود ايمانك - [00:24:26](#)

آآ عايش كلام السلف في فرق بين السماع عن المقامات العالية في الدين ثم كيفية الوصول اليها السماع يا جماعة عن المقام. ممكن ياخذ منك خمس دقائق. يعني انا ممكن اكلمك عن مقام احنا لو هنتكلم عن مدارج السالكين هكلمك عن آآ درجة من هذه المدارج عالية جدا - [00:24:43](#)

تاخذ مني خمس دقائق. تطبيقها ممكن ياخذ منك عشر سنين فاحنا عايزين واقعية في تصوراتنا للطريق الذي نسير فيه فتطبيق الحرفي احيانا انك تسمع كلمة لسيخ تبلبلك وكده تسمع واحد مسلا يسمع كلمة في درس - [00:25:04](#)

والكلمة مش خاطئة. ان الدعاء بيحل المشاكل واحد تاني سمع ان الاستغفار بيحل المشاكل. واحد تالت سمع ان الصدقة كل واحد من دول راح يطبق يقول لك انا مشكلتي ما اتحللتش - [00:25:24](#)

فيا اما يحبط ويترك الطاعة او يتهم الدين ايوه ما هو فيه قيود فيما نشاء لمن نريد او يعجل له في الدنيا او تدخر له في الاخرة ويصرف عنه من السوء. تقول لي اصل الشيخ ما قلهاش. ما هيش ممكن يكون قالها في حنة تانية. لا لا يعني لا اتعجل. يا سيدي - [00:25:37](#)

غلط لا اتعجل في مسل هذه آآ الامور. تكمل بقى ندخل في الجزء الثاني من الدرس اللي هو اصلا المفروض كان الدرس معمول عنه. لكن زي ما قلت لكم يعني ايه - [00:25:55](#)

انا خدت جزء بس من النصيحة. انا كنت عامل مجموعة من النصائح لان طبعا هو يعني من نعم ربنا سبحانه وتعالى علي ان انا سبت الفيسبوك لكن للاسف يعني بتجيلي رسايل من بعض الاخوة وكده - [00:26:12](#)

اه بتشوف فعلا قد ايه الناس ممكن تنشغل ممكن آآ يتضحك عليها ممكن يحصل نوع من آآ ضرب في المحكمات يعني فالواحد بيبقى مستغرب ليه؟ لذك انا من من المنشورات الجميلة اللي قرأتها على التليجرام - [00:26:26](#)

الشيخ خالد بهاء معلش هجيبها لكم اقرأها لكم عجبني قوي جدا فكرة المنشور بصراحة بيقول ايه بيقول بنس الطويلة الجدد بنس الطويلة الجدد طلبه العلم يعني لانهم بلا محكمات يميلون مع اهون نسمة - [00:26:46](#)

يعني اي نسمة معدية كده اي رياح بسيطة يميل معه خناقات ومشاكل تلاقيه على طول فيقول وبنس الاصبع اصبع الفيس يكون القول ظاهر الفساد لا يقره عقل ولم يقله احد وليس عليه برهان - [00:27:08](#)

والحجة انه باطل فيعجل الولد باصبعه ويعجب به يعني يحط لايك يعني ثم يحامي يدافع عنه بيقول ايه بقى في الآخر؟ خذ دائرتك وتعالى بعد اربعين اخرى باكيا اللي بيحصل فعلا يا جماعة ان الناس الدين العلوم استقرت ومبنية واللي عايز يطلب العلم والعبادة يعني في في قضايا واضحة جدا في الدين - [00:27:24](#)

وخصوصا لعموم الناس اللي زيي يعني اللي هو مش طالب علم متقدم ولا حاجة وتلاقيه شاغل نفسه. وفلان طلع نزرية جديدة في التفسير. واللي حق فلان بيزكر الخلافات. يا عم انت ما لك - [00:27:50](#)

وتلاقيه ضيع يعني بيمشي وراه مئات من الاخوة والاخوات يعيشوا باربعين سنة في التيه. ولغاية لما يبجي الجيل اللي وراه. وهكذا وجيل وراء اجيال عمالة يعني ليه مش ليه ليه نففك؟ يؤفك عنه ما نؤفك. ليه مش عايزين نستقيم؟ - [00:28:03](#)

يعني ليه ليه الانسان بيحب الغموض؟ بيحب الحاجات الخفية والدين واضح قدامك اهو يعني ليه منشغل قوي بالقضايا الكلامية يا عم ما تخليك مع ما تدخلش في اي خلافات خليك مع كلام السلف. يا عم الزم جمل الكتاب والسنة وظواهر كلام السلف - [00:28:25](#)

واما تبقى خلاص تتقدم في طلب العلم. وتدرس علوم الادوات والفروع. انت مش هتسمعي خلاص انت مش محتاجني نرجع الجزء الثاني من الدرس وهو انا كنت بقول الوقتي احد عوامل - [00:28:46](#)

ركزوا بقى معي كده احد عوامل الخروج من الاحباط دايرة الفراغ مش بس الاحباط ودائرة الفراغ العملي الموجود في حياتنا يا جماعة انك تكون ما تكونش لوحدك. الا تكون بمفردك - [00:29:02](#)

احد انا بحاول احتجز اهو احد وسائل الخروج من الفراغ الحركي والفراغ العملي والفراغ النفسي اللي بيمر به الناس الا يكون بمفردك وان اضطر لذك فالله يعصمه. لان لا يكلف الله نفسا الا وسعها. ما حدش يقول لي اصل انا ظروفى مختلفة ولا استطيع خلاص - [00:29:20](#)

الله سبحانه وتعالى يحفظك. لذك انا كنت عامل درس برضو. زمان قوي بعنوان حتى لوحدك يعني حتى لوحدك ربنا سبحانه وتعالى يحفظك لكن انا بتكلم على اللي يستطيع ان هو لا يكون في هذه الدائرة بمفرده. طيب - [00:29:45](#)

ايه الوسائل لده يا جماعة آآ زمان كان عشان برضو اكون اكثر وضوحا معكم يعني خصوصا في الواقع المصري يعني كان الخروج من انك تكون لوحدك بيبقى بحاجة من اتنين غالبا يعني - [00:30:01](#)

اما ان في شيخ كبير مشهور فله درس كبير فانت بتحضر الدرس دوت فبتكون ضمن هؤلاء الحضور آآ بتجد ممن يتقاربون معك آآ فكريا لما بيسمعوا نفس الشيخ اه تجد صحبة - [00:30:16](#)

او كان انه بينتمي لجماعة انا ما اعرفش اعيش لوحدى يا جماعة ويعني حقيقة بدون خوضه بقى في التفاصيل ده ممكن بس يعني لو ربنا اعاننا كده نتكلم عنه في درس التدين - [00:30:34](#)

يعني النموذجين دول انا لا ارى ان هم يعني كانوا بيقدموا حلول جيدة. بالعكس انا شايف ان كان لهم بعض الاثار السلبية طيب ازاي بقى ما اكونش لوحدى وفي نفس الوقت - [00:30:50](#)

الجماعة انا انا متاخذ منها موقف سلبي لان في فارق بين جماعة انت بتعمل ايه انتماء كلي وبين مجموعة عمل يعني مجموعة العمل ده انت ضمن عموم المسلمين لكن بتعمل عمل زي بالزبط مسلا لما بيكون جمعية خيرية او ده - [00:31:04](#)

لا تطالب الجمعية دي بانتماء كل المسلمين اليها ولا يفعلون العمل الخيري. لا دا هم مجموعة عملوا عمل. ايا كان بقى عمله مع معهد

علمي عمله لكن لا يعمم على عموم المسلمين - [00:31:26](#)

طيب ندخل بقى في النقطة المهمة انا قلت المقدمة دي ليه؟ عشان لما باقول كلمة مجموعة عمل انا لا اقصدها لا النموذج ده ولا

النموذج ده. اقصده ان انت مع بعض اخوانك - [00:31:42](#)

ممن تشعر معهم بنوع تقارب ممكن تصنع ده لان للاسف وبرضو عشان اكون صريح معكم معلى هو درس النهاردة فيه تخبيص كثير

غالب الناس دلوقتي لما بيمروا بالازمة هو بيبعث بالسؤال يقول لي نريد حلا - [00:31:52](#)

ايوة من الذي سيصنع لك الحل ليه يا جماعة دايمنا احنا منتظرين الحل يأتي من خارجنا ليه مستني الدرس الكبير يرجع او جماعة

تتعلم تانية ليه؟ ليه ما تكونش انت جزء من الحل؟ ليه ما فيش ذاتية - [00:32:11](#)

انا قلت لكم ان ان بنسبة ما يعني بنسبة ما بحترس برضو اهو. بنسبة ما اللي بينجو من القصة ديت اللي عندهم ذاتية في العلم وفي

العبادة فقدان الذاتية ان انا ابحت انا عن الحل - [00:32:28](#)

مش بس ابحس عن الحل ده انا اكون اكسر جراً واقول ان تصنع انت الحل وان تكون انت وانت جزءا من الحل اصلا انت تكون جزء

من الحل اكون جزء من الحل ازاي - [00:32:44](#)

من هذه الحلول ان تكون ان تصنع مجموعة عمل. انت اللي تصنعها ما انتزرش ان هي تحصل وبرضو آآ هيبقى في بعض النصائح بعد

كده جاي منها انك ما تكونش مثالي في تصوراتك - [00:32:58](#)

والنصيحة اللي قلتها قبل كده وكانت الناس بتزعل منها انك تتحرك بسرعة شوية افضل من انك تتوقف يعني هيبقى فيه شوية

نصائح بعد كده بس خلينا النهاردة نتكلم على لما ربنا سبحانه وتعالى كلمنا - [00:33:14](#)

عن نموذج عزيز بني نموذج الصحابة وفي سورة الحشر وسورة الحشر اللي فيها اجلاء اليهود وبتتكلم على قضايا كثير في الاخوة

بين المسلمين وحتى الاخوة الزائفة بين المنافقين واليهود والاخوة الصادقة بين المهاجرين والانصار - [00:33:29](#)

والبداية آآ بقدرة الله والختم بعظمة انزال القرآن. يعني سورة بصراحة عظيمة. يعني سورة الحشر لها في قلبي وقع خاص وزي ما

كنت قلت في خواطر رمضان دي من الصور اللي الواحد بيتهيب اصلا - [00:33:50](#)

لكن كنت قلت برضو بنعمة ربنا سبحانه وتعالى عايز يسمع تفسيرها ان ربنا يعني يسر للدكتور محمد مصطفى عبدالمجيد فسرنا

بصورة اللي حابب يسمع السورة بطريقة تفصيلية لان انا مش هتكلم النهاردة على تفسير. انا هتكلم عن وقفة تربوية في ايتين بس او

ثلاثة - [00:34:05](#)

مش هشرح تفسير التفسير بصورة تفصيلية ترجعوا ممكن تسمعوا اللي عايز يسمع يمكن يسمع شرح الدكتور محمد مصطفى او يقرأ

لاي تفعيل تفسير من عايز اتكلم على اية ثمانية واية تسعة واية عشرة - [00:34:25](#)

التقط بس التقاطات تربوية منهم فقط. اية ثمانية واية تسعة واية عشرة نموذج مبهز نموذج اه يعني عزيز جدا في سورة الحشر

بييجي من اجيال الصحابة بصوا في سنن لاقامة اي بناء - [00:34:40](#)

سنن يعني لو انا عايز اقيم بناء يقول لك آآ بتوع المهندسين مش عارف تحفر ايه وتحط اساسات وتعمل مش عارف اقامة اي بناء

يحتاج الى فهم وادراك لطبيعة حياة الناس - [00:35:00](#)

يعني لما يجي مسلا واحد يقول يا دكتور احمد انت بتقعد تقول الصحة ومجموعات العمل ومش عارف ايه. الناس اصلا محبطة. انا

باجي اقول لهم يلا نعمل حاجة ما حدش بيرضى بييجي. اقول لهم يلا - [00:35:16](#)

نعمل نقرأ كتاب نعمل مجموعة قراءة يعني انا احيانا انصح يا عم اتقابلوا اتقابلوا مع بعض اقرأوا اقرأوا مجموعة رسايل ابن رجب

اقرأوا تفسير اقرأوا مجالس القرآن لفريد الانصاري يقول لي وبعدين يا عم طب اقرأها الاول - [00:35:29](#)

هم ثلاث اجزاء خلاصم وبعدين ابقي قل لي بعدين لا تشتت ودي من النصائح السلوكية المنشورة يعني لا تشتت رؤية الطريق كاملا

اقرأوا اقرأوا كتاب اقرأوا رياضة الصالحين التقى مع اخوانك على شيه من امور الدين - [00:35:46](#)

يبعث فيكم طاقة تعبدية انما ربنا سبحانه وتعالى قال في الواقع المؤلم في خواتيم في صورة يونس قال ايه؟ اجعلوا بيوتكم قبلة.

واقيموا الصلاة وبشر المؤمنين. ما هو هتدخل في احباط - [00:36:06](#)

تعزيب تعزيب تعزيب وتضييق وتضييق وتضييق من فرعون خلاص ارجع للبيت وما قالش كل واحد يعمل كده قال اجعلوا سورة الجمع بيوتكم قبلة واقيموا الصلاة وابشر لا ازن في الواقع ده يكون الحديث عن البشريات والامال. وبشر المؤمنين - [00:36:23](#)

اه لابد من فهم كيف تقام وان الامر يحتاج الى مجهود. الامر يعني يا جماعة مجرد انك تصنع مجموعة مع اخوانك او انت اختي مع الاخوات اعملوا تساهموا في اه مسلا في عمل مقراءة على الانترنت او في دعم اه موقع او في صناعة اه حاجة - [00:36:49](#)  
للاخوات او للبنات اي حاجة هتتعلم صعب الانسان يعملها مفردها. محتاج يشتغل مع المجموع. ودايما العمل مع المجموع مؤلم. لذلك كان في درس اسمه الاخلاق الاجتماعية وتديه درس آآ من واقع الخلافات اللي بتحدس اسناء العمل. شغلك مع اخيك لازم هيعمل

مشاكل - [00:37:14](#)

احتكاك مع الذي قال النبي والدرس كله كان قائم على شرح الحديث. الذي يخالط الناس ويصبر على اذاهم. شف النبي ربط على طول بين الخلاطة والازى طبيعي هيحصل لك ازي. لكن هذا الازى اللي من اخوانك اهون بكثير من اذى الوحدة - [00:37:39](#)

ولا سيما انا بتكلم على عمومنا كلنا. اغلبنا لا يتحمل هذا ويتحمل الوحدة يعني طيب ربنا سبحانه وتعالى ذكر ثلاث اصناف وبنسبة ما اي مجموعة قوية بتنشأ مجموعة عمل بتبقى عبارة عن الثلاث اصناف دول - [00:37:58](#)

بل غالبا اي عمل بيقام يعني اي عمل من الاعمال بيقام اه بيحتاج هذه الاركان السلاسة ليقوم يعني اي دعوة بتصنع يعني دعوة النبي صلى الله عليه وسلم كان فيها ركن اسمه الركن البشري - [00:38:19](#)

يعني فيه اركان بشرية العنصر البشري عارف حتى في لبناء الدول الدول البناء الاقتصادي للدول في عامل مادي وفي عامل للزمن في عامل بشري يقول لك مسلا الدولة الصين او دولة حتى مصر او كده عندها مسلا وفرة في العامل البشري. لكن ممكن يكون في

نقص في كذا. فازاي او فر - [00:38:42](#)

العامل البشري آآ يكون ركن من اركان تطور مسلا اقتصادي انا هنا دلوقتي بتكلم هنا القرآن. ودايما القرآن بيركز على العامل ده. بل بل آآ وصية عمر بن الخطاب او بلاش امنية قصدي - [00:39:06](#)

عمر بن الخطاب لما قال للناس تمنوا فواحد قال اتمنى مله هذه الحجرة زهبا وانفقوا في سبيل الله. والثاني قال اتمنى مله هذه الحجرة عدة واعتاد. واحد فكر في المال واحد فكر - [00:39:24](#)

صرف السلاح. سيدنا عمر قال اما انا فاتمنى مله هذه الحجرة رجالا من امثال ابي عبيد من الجرار. هو شايف ان وجود العنصر البشري الصح اهم لبناء الدعوات ثم ياتي بعد ذلك - [00:39:35](#)

الماء الواتي السلاح فهنا وجود اه اه شف حتى الترتيب هنا قبل ما ربنا سبحانه وتعالى في الترتيب الايات قبل ما تتكلم على الناس اللي انفخت اتكلم على الناس اللي ضحت - [00:39:54](#)

يعني ربنا سبحانه وتعالى سورة الحشر في اية ثمانية وتسعة وعشرة بيتكلم على تلت اصناف من الناس وجودهم بيصنع اي دعوة بتقوم ده النموذج الكامل على المستوى الواسع. يعني لو احنا بنتكلم على - [00:40:13](#)

مستوى كبير زي دعوة النبي صلى الله عليه وسلم. طب لو انا هتكلم على مستوى صغير؟ برضو فيه الاركان الثلاثة. بنسبة برضو ربنا سبحانه وتعالى بدأ بمين؟ بمن ضحى. اول طائفة مين هم؟ للفقراء المهاجرين. طبعا الاية لها سياق في توزيع الفريق وغير ذلك -

[00:40:29](#)

هتعرفوه اللي عايز يعني اللي عايز يسمع يعرف التفسير وسياقه بالتفصيل. انا قلت لكم يسمع تفسير ايه او يقرأ لكن انا بتكلم على واحد عشان لو حد سأل اللام دي متعلقة بايه للفقراء دي احنا قلنا دي خلاص دي هتسمعوها في في التفسير - [00:40:48](#)

طيب الفقراء المهاجرين الذين اخرجوا من ديارهم واموالهم بيتغون فضلا من الله ورضوانا. وينصرون الله ورسوله اولئك هم الصادقون الثاني والذين تبوأوا الدار والايمان من قبلهم. يحبون من هاجر اليهم ولا يجدون في صدورهم حاجة مما اوتوا -

[00:41:09](#)

ويؤثرون على انفسهم ولو كان بهم خصاصة ومن يوق شح نفسه فاولئك هم المفلحون. الثالث والذين جاءوا من بعدهم يقولون ربنا اغفر لنا ولاخواننا الذين سبقونا بالايمان بيقى انا عندي هنا ثلاث اصناف - [00:41:32](#)

من الاصناف البشرية اللي لما بيوجدوا ربنا سبحانه وتعالى بيقدروا ويعني وجودهم في مكان بتنشأ الاعمال وبتنشأ الدعوات ايه اهم طائفة موجودة اول طائفة التي ضحت بكل شئ للفقراء يعني شف - [00:41:49](#)

بدأت مش قبل ما يقول المهاجرين قال للفقراء اصبحوا فقراء ضحوا بكل شئ للفقراء المهاجرين. بذل وضحى وترك واوذى اخرجوا من ديارهم واموالهم. ليه ليه اصبح فقير؟ ليه هاجر؟ لاخرج التلات حاجات ليه - [00:42:11](#)

يبتغون فضلا من الله ورضوانا وينصرون الله ورسوله اولئك هم الصادقون. اول طائفة لاقامة اي عمل ان تكون او ان يكون من يكون صادقا ان في واحد عنده رغبة صادقة. والله يا جماعة احيانا - [00:42:36](#)

اسمع مسلا قصة في عمل مسلا حتى ابلتكيشن تطبيق معين تلاقي واحد يقول لك انا كنت مؤمن جدا بالفكرة وقعدت اشتغل عليها. وقعدت عرضتها على كذا حد. وسافرت مش عارف فين عشان اتعلم ورحت لفلان اعرض عليه وفلان هزقني وقال لي دا فكرة اي كلام - [00:42:56](#)

ورحت مش عارف فين ويقعد يشرح يقول لك وبعد مش عارف اربع سنين من البحث ولما الفكرة اكتملت لقيت واحد قال لي انا ممكن تبني الفكرة وينفق عليها واحد تاني دعمني وبعد ما عملنا كده لقيت بعد كده مجموعة من الناس قالوا لي احنا ممكن نشغل معك بصورة تطوعية وبعد كده البرنامج - [00:43:16](#)

وده بالزبط نفس الخطوات لحاجات كتير من المواقع اللي موجودة على فكرة والاعمال الموجودة نشأت كده. ان بدأت الاول بشخص صادق في الفكر عايز يطبق فكرة عائد ايه نفسه يعمل حاجة - [00:43:36](#)

حاسس مجرد ان ان يحس مسلا حتى ان الناس حواليه مش عارفة تقرأ القرآن. او عندها في بعض معلومات الدين اساسية عندها وهو مش عارف فيها ان يكون صادق عنده صدق - [00:43:52](#)

والصادق يبذل ولا ينتز شئنا الصادق يبذل ولا ينتز شئنا ما تتصوروش انه آآ لان ما ما كانوش منتظرين شئ. يعني هو مش بيعمل سي في معين. لا لا ده الفكرة بداخله حرقة - [00:44:05](#)

لا يستطيع ان هو آآ ينام دون ان تطبق هزه الفكرة او ان تكون واقعا. قاعد مشغول كيف تصبح الفكرة التي بداخلها؟ على فكرة يا جماعة وده حتى في الامور الدنيوية - [00:44:29](#)

اذا لم يمتلك الشخص مسلا الدعم الدنيوي انه يقوم فكرته ممكن يبقى صاحب فكرة ويسعى لها لغاية لما ربنا سبحانه وتعالى يبعث له من يساعده فاول طائفة طائفة الصادق الذي يبذل ويضحى ويبتغي فضلا من الله ورضوانه ويفعل ذلك نصرة لله ورسوله - [00:44:44](#)

احنا عايزين مسل هزه الكوادر التي تبادر انا بسميه الكادر المبادر كنت اتكلمت بس للاسف مش فكرت درس ايه عن ما يسمى اظن تقريبا اتحاوروا بعد الكون. فيما يسمى بثواب الاوائل - [00:45:07](#)

ان في مجموعة من الاوائل اللي بتبدأ اللي بتشق الظلام اللي ربنا سبحانه وتعالى بيفتح بهم زي ما ربنا قال فرقنا بكم البحر تعبير فريق الانصاري هنا في الاية دي كان رائع - [00:45:23](#)

ان هنا انت ربنا بيشك بك الاحباط وبيشك بك الشلل والكسل الموجود بتستعمل في ذلك ان تكون انت النواة التي يلتف حولها الالكترونيات مرة اخرى. وتنشط في الحياة الالكترونيات لا تتحمل ان تتوقف - [00:45:38](#)

في كتير ناس حواليك لا تتحمل ان تتوقف لكن تبس عن نواة تدور حولها ومعها ودورها ان هي بتقدم البشرى والامل والطاقة والافكار والاعمال وتبذل طبعا يستحيل كل الناس تبقى كده - [00:45:56](#)

لكن منا من يستطيع ان يكون هذا الرجل وهذه المرأة اللي تكون هي النواة اللي اللي تبدأ تحرك الناس وتسعى ويكون صادقا وتكون صادقة. في هذا الامر وكم من اعمال - [00:46:15](#)

حتى لو الناس تراها صغيرة ولكنها عند الله عظيمة بدأت بنوأة بدأت بصادق شخص يحمل فكرة يبذل ويضحى من اجلها كثير من المجالس الموجودة العلمية والمواقع التعليمية هي بدأت ان شخص مؤمن بهذه القضية - [00:46:35](#) ويضحى من اجلها. ويبذل ولا ينتظر شيئاً. مش عاملها ايه مسلا يكسب من وراها؟ وده برضو هنا انا مش حكم انه يكسب من وراها. انا بتكلم حتى مش عاملها ده هو - [00:46:57](#)

المحرك الاساسي والدافع الاساسي له اينصرون الله ورسوله يبقى دي اول طائفة التي حينما توجد الكبدة بقى ده زي ده الاساس اللي تحت الاساسات. عشان كده دول اول من يدخلون الجنة - [00:47:07](#)

فقراء المهاجرين دول اول ما تدخلوا الجنة قال عنهم النبي صلى الله عليه وسلم في حديث في في يعني في حنة كده بالنسبة لي دايماً مؤلمة اول ما بقرأها بتكون مؤلمة قوي. النبي يقول ايه - [00:47:23](#)

يموت احدهم وحاجته في صدره يا الله لا يستطيع لها يعني جواه كان جواه طموحات. زيه زي بقية الناس يا جماعة ما هو بني ادم. كان جواه امال لكن ضحى بها - [00:47:36](#)

كان جو كان بداخله عادي زيه زي بقية الناس. الناس احياناً بتتصور ان اللي بيضحى عشان الدين انه اصلا ما كانش جواه اي طموح. مين اللي قال؟ هو جواه طموح دنيوي عادي جدا - [00:47:53](#)

اه مش لازم على فكرة هو ممكن يكون بيضحى حتى باوقات لعبه واوقات فراغه. واوقات نومه وعشان يجمع الناس هو لازم يبذل لازم واحد يتحرك ده الصنف الاول لنا اللي ربنا بقى سماهم دول الصادقون الاول - [00:48:03](#)

والصدق في شئ ليسهل هذا الامر قلت لكم حتى لو في الدنيا فلان كان صادق في انه كان عايز يعمل مشروع كذا ونجح فيه برضو لا يلزم ان كل مشروع ينجح سواء ديني او دنيوي ودي بيعمل الاحترازاات اهو - [00:48:28](#)

لا يلزم من ذلك في سنة ربنا سبحانه وتعالى وفي مشيئة الله وفي ارادة الله. بل ربنا سبحانه وتعالى قال واخبرنا ورسلا لم نقفهم عليك. والنبي صلى الله وسلم قال والنبي ليس معه احد - [00:48:49](#)

خلاص يعني مش معنى ان احنا بنقول ان الدواء ده يساهم في العلاج ان كل اللي هياخده هيفيدك. تمام طيب يبقى الطائفة الاولى الذين ضحوا وبذلوا هم الصادقون لما الطائفة دي بتيجي - [00:49:02](#)

انا عايز اقول لكم انا من كتر ما سمعت قصص اعمال ومعاهد علمية ومواقع يعني قصص كثير من ناس يعني بفضل الله على مدار مسلا ما يقارب عشرين سنة تحس ان هي نفس الفكرة شخص او مجموعة ناس صادقة - [00:49:21](#)

وفي بداية الفكرة ما عندهم لسة الادوات لذلك بعض الناس يسخرهتعمل ده ازاي مين اللي هيساعدك؟ انت معكش دعم لها؟ طب مش عارف ايه ثم مع استمرار صدقهم وبذلهم وتضحياتهم بيعت الله لهم من يعينهم - [00:49:45](#)

يبعث الله لهم من يعينهم ثاني معكش يبقى بقول مع استمرار بذلهم وتضحيتي. يعني عايز اقول ايه؟ هو ربنا بعث الانصار امتي؟ بعد كم سنة بعد تلتاشر سنة يوم واحد يقول لي بقى من اللي ايه تطبيق الحرف بقى. يعني انا لازم ادفعها التلاتاشر سنة عشان ربنا بيعت لي اللي يساعدي. اقول لك لا لا عادي يا اخي. انت ممكن - [00:50:06](#)

اقل وممكن اكثر. لازم يبقوا تلتاشر. ممكن ما بيعتلكش حد ممكن تموت في الطريق ويخرج من بيته مهاجرا الى الله ورسوله ثم يدرك الموت فقد وقع جوع الله طيب يبقى اذا الطائفة الاولى طائفة الصادقون انا بقولها هي الصادقين يعني كمضاف اليه لكن اقصد الصادقون عشان لفظ الاية هؤلاء الصادقون - [00:50:35](#)

الذين خرجوا من ديارهم واموالهم بيتبعون فضلا من الله ورضوان. بعد كده ربنا سبحانه وتعالى بيعت الانصار بقى. من يناصرك ويدعمك دعم بكل شئ ممكن ادعمك بالمال ممكن يدعمك بالصحة ممكن يدعمك معنويا يدعمك بالتشجيع - [00:50:57](#)

تجد ان هنا ربنا بيعت لك الانصار من يناصر فكرتك الذي يناصرك ربنا سبحانه وتعالى قال والذين تبوأوا الدار والايمان والذين تبوأوا الدار والايمان من قبلهم يحبون من هاجر اليه - [00:51:17](#)

الطائفة دي يا جماعة مهم اوي اوي وللأسف احنا بنغفل عنها في الواقع. ليه بقى عشان نكون واضحين وصرحاء مع بعض مش

كل الناس عندهم مواهب ان هو يكون عنده فكرة وبيذل لها مش كلنا كده - [00:51:40](#)

لكن جزء كبير منا ممكن يساعد يعني يعني هقول لكم حاجة لسة قريب جزاهم الله خيرا القائمين على المكتبة الشاملة فتحوا باب التبرع انا ممكن ما يكونش عندي القدرة ان انا اعمل التطبيق بتاع المكتبة الشاملة - [00:51:57](#)

ما يكونش عندي القدرة ان انا اضيف الكتب وانتقي الكتب واقوم بتشكيل ما عنديش القدرة لده. خلاص طب ما في باب انك تكون من الانصار ثواني الشاملة ولغيره يعني اقصد - [00:52:15](#)

ان باب النصره بيكون اوسع من باب تطبيق الفكر لكن في مشكلة بقى ما بين نصره ده بقى ايه بقى المشكلة؟ يعني زي ما الصادق واجهته اه ابتلاءات انه هيضحى وانه هيترك - [00:52:29](#)

نوعياته وكماله وارضه وبتترك اوقاته لو احنا نسخط علينا ممكن يتترك اوقات نوم وممكن ايا كان الانصار بقى بتواجههم ابتلاءات. ايه بقى الابتلاءات ديت انه ممكن يبذل من الخلف ولا يرى - [00:52:45](#)

يعني هو قاعد بيتعب وبيصرف وبيتحرك عارف زي ما واحد مسلا احيانا يقول ايه انا سخر عربيتي مسلا ان انا اوصل الدعاية لفلان لخطب الجمعة او للدروس ممكن اللي بيسخر سيارته ده هو شخصية مرموقة اصلا مسلا لكن - [00:53:05](#)

وبيضحى فقد لا ينظر له وبيضحى هو كمان لكن الناس لا تراه يكون في الخلفية وكان لذك انا بحب برضو المقطع الجميل قوي بتاع نعمان خان اللي هو العمل لله ليس فيه ادوار للبطولة حاجة زي كده - [00:53:22](#)

ان في ادوار كتير لنصره الدين مش لازم يكون الدور ده البطل. احنا احيانا بتغلبننا فكرة ان عايز اكون البطل. طب وليه ده يا جماعة اللي بيبذل وما بيظهرش في الصورة ده - [00:53:42](#)

يعني ربنا يتقبل ده بياخد ثواب شافي صافي لا يقعد ينازع رياء ولا مشكلة ده بالعكس ففي دور النصره. مشكلة دور النصره ده انه قد يجد الانسان في صدره تجاه من ينصره من - [00:53:57](#)

انا اللي صرفت انا اللي بذلت انا اللي عملت. لولا ان انا صرفت ما كانش المشروع ده قام. لولا ان انا دعمت. لولا ان انا لولا ان الفريق مش عارف بيعمل ايه - [00:54:18](#)

لولا اني المبرمج هو اللي مش عارف عمل ايه لولا ايا كان بقى اي حسب كل مشروع واحتياجاته ان في واحد ضحى وبذله صاحب فكرة وعنده قدرة على تطبيقها وضحى من اجلها لكن محتاج انصار محتاج اعوان - [00:54:28](#)

نيجي بعد كده الاعوان دول ممكن منهم من يمن بيدأ يمن عليه بقى آآ ويدخل بقى الايه لذك قول الله سبحانه وتعالى لا يجدون في صدورهم حاجة مما اوتوا انا هشرح الاية سريعة كده بس الاول يعني ايه حاجة. حاجة مش مش معناها حاجة بتاعتنا بالعامية المصرية. يعني مش معنى الاية ما فيش في صدره اي حاجة - [00:54:45](#)

لأ حاجة اللي هو من الحوج من الاحتياج يعني مش محتاج حاجة من اللي قدامه بيبذل له بس. لذلك قال بعضهم حسدا. وقال بعضهم اذى. وقال بعضهم حزاة. وقال بعضهم منا - [00:55:12](#)

ايا كان لا يجدون في صدورهم حاجة. يعني بيبذل لا يريد منه شيئا ولا ينتظر منه شيئا. ركز بقى معي حتى لو كان هذا الذي يبذل يحتاج بالفعل. ولو كان بهم خصاصة. ما هو جواه احتياج - [00:55:25](#)

يعني انا واحد رايح انشر واحد بيعمل مشروع وانا اصلا عندي احتياج تقول لواحد ادعمه يقول لك طب ما انا محتاج ايه اللي يدعمني؟ ماشي يا سيدي لعل يعني لعلك ترزق ببركة اخيك - [00:55:47](#)

حديث للاسف الناس عارفة الحديث الضعيف ومش عارفة الحديث الصحيح اللي هو الحسن. حسنوا كتير من اهل العلم. ان رجل كان يعني يتفرغ للعبادة ومجالس النبي صلى الله عليه وسلم - [00:56:02](#)

ورجل كان بيحترف محترف يعني بيشتغل وبينفق على اخيه. فذهب ذلك المحترف. محترف يعني شغال الصنایعي اللي يقوم بحرفة يشتكي اخاه للنبي صلى الله عليه وسلم فقال له النبي صلى الله عليه وسلم لعلك ترزق ببركة اخيك - [00:56:14](#)

لعلك ترزق بدعمك لاخيك ففكرة الدعم دي فكرة غايبة ليه طب ما تشوف حد ادعمه عندك وقت عندك اعمل اي حاجة وبصراحة اه

برضه عشان يعني الخير في امتي مسلا. لكن انا بيحي لي رسايل - [00:56:33](#)

آآ انا عايز اساعد اختي انا عايز اساعد آآ ممكن اعمل ايه طب اقوم بتفريغ طب اقوم بترجمة طب مين من المشايخ ممكن مش عارف محتاج مساعدات في ان احنا نعمل فريق - [00:56:52](#)

الموقع تجد بفضل الله اه في ناس اه الواحد ممكن يكتب تغريدة ينشر مسلا اه عن موقع مسلا معين اه لنصرة النبي صلى الله عليه وسلم. تجد في التعليقات طب اللي عايز يدعم الموقع - [00:57:02](#)

لنصرة النبي صلى الله عليه وسلم يعمل ايه؟ آآ لما حصلت المقاطعة. كثير من الناس يعني الناس بداخلها الخير. لكن احيانا مش ما بيكونش في تصويره في تصويره في الذهن ماذا يفعل - [00:57:15](#)

لذلك احنا قلنا هنا اهمية وجود هذه الانوية لذلك ميزة يا جماعة مجموعات العمل عن فكرة الجماعة ان الجماعة بتقدم نواة واحدة الدين لا يسع ذلك. الدين اكبر من ان يحتويه جماعة واحدة اصلا - [00:57:27](#)

ودي قيمة تعدد الانوية. واختلافاتها وتصوراتها واتجاهاتها وده نواة علمية وده اه دعوية وده اجتماعية خيرية. فتنوع هذه اللوية بيعطي براح للاختيارات ساعات شخصيات الناس يبقى الطائفة الاخرى الذين الانصار تبوأوا والتبوا في تمكن - [00:57:42](#)

من هذه الدار اللي هي المدينة والايمن من قبله يقول العلماء اتكلموا يعني ايه تبول الايمان من قبلهم؟ يعني هل سكنوا الايمان هل ده تعبير مجازي على تمكنه من الايمان - [00:58:05](#)

ده مسألة تبوه الايمان ولا كلمة من قبلها برضو يعني ايه من قبل المهاجرين هل كان في ايمان خاص معين زي البزل والتضحية هم قدموه قبل الانصار؟ ولا من قبل مجيئهم؟ امنوا في المدينة من قبل؟ يعني اختلاف - [00:58:17](#)

خدوا بالكم من اول آآ اول وصف خدوا بالكم بس ركزوا في دقائق الكلام. يعني عايزكم بعد ما اخلص تقروا تقروا التلات ايات كلمة كلمة كلمة كده اول وصف وصف به هؤلاء تجاه اخوانهم هو ايه يا جماعة - [00:58:34](#)

والذين تبوأوا الدار وديوانهم قليل. اول وصف ايه يحبونه بتحب اخوك لانك بتحب الخير انت بتحب الدين ينتشر. فلما تلاقي فلان ببساعد في نصر الدين انت بتحبه. ليس بينك وبينه نسب - [00:58:53](#)

ما كانوا يعرفوهم اصلا يحبون من هاجر. اللي بيضحى. حب يعني خليك دايمًا بداخلك بمشاعر حبي للي بيقدّم للدين اللي بيبدل للدين حتى لو اخطأ اغفر لنا وزي الطوائف اللي هتيجي بعد كده بقى - [00:59:07](#)

يحبون من هاجر اليهم ومهما حتى حاول ان يبحث في صدره عن شيه تجاه اخواني لا يستطيع لا يجد دي كانها بعد بحس لا اجد ما احملكم عليه لا يجدون في صدورهم حاجة - [00:59:24](#)

مما اوتوا يعني انا آآ زي اللي هي ايه اللي هي قالت ان ده الدواب بتبلغ بكم حاجة لم تكونوا بالغيه الا بشق النفس ده معنى الحاجة انك انت تكون محتاج لشيء او ان تصل الى شيء - [00:59:41](#)

وتحمل ائقالك الى بلده لم تكونوا بلده الا بشق النفس مش دي الاية في اية تقريبا عن وفي برضو اه كلمة الحاج جت في سورة يوسف الا حاجة في نفس يعقوب قضاها - [01:00:02](#)

فهم لا يجدون اي يعني هو يا جماعة يحب ويبذل ولا ينتظر شيئا لذلك هتجدوا اللي هيرجع بقى لكتب التفاسير وخصوصا الاثرية مش هيتم بنقل الاثار هيجد اثار جميلة عن علاقة الانصار بالمهاجرين - [01:00:18](#)

وان النبي صلى الله عليه وسلم يقسم آآ يعني يتنازلون عن نصيبهم لاخوانهم ويرضون برجعهم بالنبي صلى الله عليه ويبكون آآ شوقا لنبيه صلى الله عليه وسلم. ويثني عليهم النبي صلى الله عليه وسلم - [01:00:34](#)

المشاعر دي مشاعر جميلة ان انت مش بتدعم وانت في نوع من المن والاذى والحسد والحقد والغيرة لا لا هو مش قصاده حاجة جاتنا كيرو ما فيش حاجة لا يجدون في صدورهم حاجة - [01:00:51](#)

بالرغم مما اوتوا يعني المهاجر اللي ضحى بدأ يظهر او بدأ يحصل اشياء وانت بتبذل. انت مش منتظر حاجة لا يجدون في صدورهم حاجة. انت منتظر الثواب الاخروي فقط مهم قوي انك تستحضر قول عمر ابن الخطاب ولكن الله يعرفهم - [01:01:06](#)

في كثير وانا اعني ما اقول كثير من الاعمال الدينية الموجودة ورائها اناس لا يعلمهم الا الله سبحانه وتعالى ولعل الله يبارك في هذه الاعمال باخلاص احدهم الذين لا يعرفهم الا الله سبحانه وتعالى - [01:01:28](#)

الانسان لا يستنكف ابدا ان يكون من هذه الطائفة وقفت الذين يبذلون يعني اذا كانت طائفة الاولانية الصادقون ربنا سمى الثانية المفلحون. وده يعني تسمية جميلة قوي انه نجاح كان اختبار صعب. ليه يا جماعة اختبار صعب - [01:01:46](#)

لان نفسه تنازعه طب وانا ادي لاخويا ليه؟ طب ما ادي لنفسي. طب ما انا يعني اقسام زي الانصار كده تخيل بيقسم بيته وحياته مع اخوه ليه اما يروح يشوف طب ما يروح يشتغل - [01:02:07](#)

يقول لواحد مسلا انك الموقع ده او مش عارف زي ما قلنا المكتبة الشاملة وغيرها محتاج دعم راعي اخوانك يقول لك طب ما انا طب ما انا محتاج انا كمان. طب خلاص - [01:02:21](#)

ذلك الذي يستطيع ان يتغلب على شح نفسه لان نفسه بتنازعه دائما اللي اللي ببذل لدعم الاخر نفسه تنازعه. تاني الذي يبذل لدعم الاخرين ولا يظهر في الصورة نفسه تنازعه - [01:02:36](#)

فمن استطاع ان يوق شح نفسه فهو المفلح. فاولئك هم المفلحون. يبقى دي الطائفة الثانية اللي بوجودها بتقوم الاعمال يبقى انا ممكن شخص بيضحي ممكن شخص يدعم ممكن شخص مش ربنا قال اجعلوا بيوتكم قبلة. ممكن واحد يفتح بيته - [01:02:54](#)

ممكن واحد يجيب كتب يديها للناس اللي عايز تقرأ عايز ناس عايز تقرأ في الحديث عايز تقرأ رياض الصالحين يجيب هو كتب للناس في المسجد نقدم دعم للاخرين اه حد كان بيقول لي ان هو يعرف واحد صديقه يعني كان بيوزع كتاب رياض الصالحين. عايز فكرة ان - [01:03:10](#)

الناس تقرأ سنة النبي صلى الله عليه وسلم ولما سأله قال له انا مش عارف انا مش لاقى باب عمله في الدين فقلت يعني آآ اجيب للناس كتب جايز ايه اللي تقرأه - [01:03:34](#)

فاولئك هم المفلحون. الطائفة الثالثة اللي بعد ما العمل بيقوم بتيجي تجد ان العمل قام بتستفيد منه لذك برضو عشان برضو الناس تفهم ما تفهمش الكلام الغلط مش عايزين دائما احنا نتعود قضية النقد للسابقين دون ان آآ يعني للاسف بننسى فضلهم - [01:03:46](#)

كثير من انتشار الدين الموجود بسبب السابقين فنحن ندعو لهم هتقول لي طب ما في اخطاء طب ما هو اصلا الاية بتقول بدأت ربنا اغفر لنا ولاخواننا. عادي ممكن يبقى اختي وانا بادعوا له بالمغفرة - [01:04:07](#)

اغفر لنا ولاخواننا الذين سبقونا بالايمان يعني انا جاي بعده فاستفدت من اللي هو قدمه والذين جاؤوا من بعدهم يقولون ربنا اغفر لنا ولاخواننا الذين بلاش اجي ابقى عايز اهدم اللي قبلي وخلاص - [01:04:21](#)

لا اغفر لنا حتى لو في خطأ انت بتتجاوزه وبتصلحه وبتدعو اغفر لنا ولاخواننا الذين سبقونا بالايمان. ولا تجعل في قلوبنا غلا لان هو سبقك فانت ممكن تشعر بنوع من الغل تجاهه. او مش قادر تتحمل خطأه - [01:04:38](#)

طيب اسقاط ده على اللي انا عايز اقوله بقى في الواقع ان بتأتي احيانا طائفة تنتفع من العمل الذي قام اقل حاجة تعملها ان تنتفع وتدعو مش قادر تضحي وتبذل - [01:04:57](#)

مش قادر تدعم وتنفق؟ انتفع دون ان تؤذيه انتفع وادعوا لهم ان يوفقهم الله سبحانه وتعالى. واحد يقول لي طب فيه اعمال كثير في الدين موجودة لا قادر اضحي واعملها. ولا قادر - [01:05:13](#)

ولا يستطيع ان ابذل معهم. وان اه ادعم معهم. وان اكون من المهاجرين ولا من الانصار. لا من المضحين الصادقين ولا من الباذلين المفلحين انا فقط من المنتفعين. وماله انتفع وادعو لهم - [01:05:29](#)

طب ويعني معنى كده اني اسكت على الاخطاء؟ لأ طبعا. اسكت على الاخطاء ولكن في ادب لذلك والنصيحة دون ان تهدمهم هنا بتبدأ خلاص الصورة بتكتمل فاي عمل غالبا بيتكون من التلات اركان دول. ركن اللي ضحي وبذل - [01:05:48](#)

وكان صادق في فكرته اللي دعم وبذل ونصر وكان صدره طاهر فكان مفلح انه وقي شح نفسي. الطائفة الثالثة اللي جت واستفادت وانتفعت فكانت طائفة طيبة في لم تجد في صدرها غلا بل كانت تدعو الله سبحانه وتعالى ان يصرف اي شئ. يأتي في صدورها

فانتفعت وكانت - [01:06:07](#)

تدعو لهم ان يغفر الله لهم وان يلحقهم على الخير يبقى انا دلوقتي لو انا عايز استفيد بالكلام ده في واقعي انا مش لازم انتظر يا

جماعة حل ان انا - [01:06:31](#)

اكون من اللي عنده فكرة ولو فكرة بسيطة اعملوا اي حاجة اياكم والقعود اياكم والكسل النبي صلى الله عليه وسلم يستعيز من الهم

والحزن والعجز والكسل كنت حتى فاكر كتبت قريب او نشرت آآ اه كنت نشرت على قناة التليجرام - [01:06:44](#)

آآ المنشور بتاع بدر السوعي الشيخ بدر على موضوع تسرير المتعة او المتعة اللي بيمارس كل حياته من على السرير قضية الكسل

وخطورته فعلا هو بيدخل في كتاب حد من الاخوات ازن علق - [01:07:07](#)

قال ولعل في علاقة بين الهم والحزن والعجز والكسل وكانت التقاطة لطيفة فعلا الجمع بين الدعاء ده في دعاء واحد من الهم والحزن

والعجز والكسل الحديث ده في خطبة لوحده - [01:07:21](#)

الهم والحزن والعجز والكسل والجبنه البخل. دي انا كنت باسميها المعوقات في معوقات داخلية ومعوقات خارجية والنبي صلى الله

عليه وسلم بدأ بأكثر المعوقات الداخلية الهم والحزن وعجز وكسل وجبن وبخل - [01:07:35](#)

وبعد كده بقى غلبة الدين الخارجية. المعوقات الخارجية في الآخر الانسان يتحرك اعمل اي حاجة اجتمع مع اخوانك على اي عمل

صالح تجاوز الخلافات ابدلوا اي شيه لان يا جماعة الكسل - [01:07:48](#)

آآ مؤلم والعجز مؤلم يصاحبه هموم والهموم بتتزايد وبيدخل زي ما قلت الانسان في المنطقة المظلمة اللي تخليه بي فقد نوع بي فقد

التوازن النفسي. وبعد كده افكار سيئة بتتوارد الى ذهنه - [01:08:08](#)

واحباط وترك للطريق انا ايه اللي وصلني للمنطقة دي ولو عمل بسيط لقاء كل اسبوعين التقوا اجعلوا بيوتكم قبلة. واقيموا الصلاة

القول والبشريات بشر المؤمنين لكن انا اكون قاعد متكاسل مهموم مغموم اكتفي بمجموعة من اللايكات - [01:08:23](#)

اه اسمع الدرس وانا على السرير فده يعني ممارسة الحياة فعلا جزاه الله خيرا يا شيخ بدر. المشروب بتاعه رائع. ممارسة الحياة من

على السرير دي بالرغم ان هي بتعطيك ايه انت - [01:08:48](#)

على العالم اجمع وانت بمفردك اصلا اتكلم فلان وتراسل فلان ولايك مع كذا وتعلق على كذا. تشعر بنوع من الدوشة انت بمفردك اصلا

يعني انت في الاخر سم مازا؟ الكهرباء قطعت مسلا كل ده بيختفي من حياتك - [01:09:01](#)

لا ابحس عن واقع يعني برضو عشان ما نوصلش لفكرة التطبيق الحرفي. اللي زروفه اللي حياته اللي طبيعته اللي شخصيته ايا كان

الكلام لا يؤخذ بحرفيته ده لازم يكون عندي فقه للتعامل مع المواعظ - [01:09:20](#)

انا بحاول اجمع المادة دي ان شاء الله. فقه التعامل مع المواعظ التطبيق الحرفي. اسأل الله سبحانه وتعالى ان يفتح لي ولكم وان

يستعملنا جميعا. نعوذ بالله من الهم والحزن والعجز والكسل والجبن والبخل. ولا بد ان يقول الرجال. اسأل الله سبحانه وتعالى -

[01:09:37](#)

واياكم من اهل القرآن سبحانه الله وبحمده اشهد ان لا استغفرك واتوب اليك والسلام عليكم ورحمة الله وبركاته - [01:09:51](#)